

紀原序

宣德庚戌冬余在太學奉

命使江西南昌時國子祭酒顧庵胡先生

致政于家余因公暇謁見先生欣然與


論茗言談因出書一帙謂曰此事物紀原

也君亦曾閱否乎余曰久知此書之名未

獲一見先生曰是書不可不讀若能熟

此非但可以格物致知而亦足以泛應

遂假卷歸公館玩閱累夕深有所感發信




乎為進德之門庭造道之機要也因抄錄
第以

王事靡盬公務倥傯未暇校讐遂承匱漢
陽嘗有志簡集成編又為聽獻所繫而弗
果乃請前漢陽邑庠掌教南平輔之趙先
生三復訂校辨其魚魯亥豕之訛正其全
根金銀之誤其刊載有謬矣者刪而正之
脫簡缺畧則考究增益由是事備而不煩
理明而切實使後學得而觀之誠非小補

不敢獨善命子昌繕寫成帙捐於
工繡梓以廣其傳與天下士夫共之遂藏
其顛末如上云

正統甲子歲仲春穀旦朔廣漢陽府推官
建安陳華文謹書



事物紀原目錄

第一卷

凡三門

天地生植門

正朔曆數門

帝王后妃門

第二卷

凡四門

嬪御命婦門

朝廷注措門

治理正體門

利源調度門

第三卷

凡三門

公式始諱門

禮祭郊祀門

崇奉褒冊門

第四卷

凡一門

舞樂聲歌門

第五卷

凡二門

輿駕羽衛門

旗旒采章門

第六卷

凡二門

冠冕首飾門

衣裘帶服門

第七卷

凡二門

學校貢舉門

經濟藝文門

第八卷

凡三門

官爵封建門

勳階寄祿門

師保輔相門

第九卷

凡二門

法從清望門

三省綱轄門

第十卷

凡四門

持憲儲圖門

九寺卿少門

秘殿掌貳門

五監總率門

事物紀原上目錄

終

事物紀原下目錄

第十一卷 凡三門

環元中貴門 橫行武列門

東西使班門

第十二卷 凡二門

節越帥潛門 撫字長民門

第十三卷 凡二門

京郡方域門 觀寺道僧門

第十四卷 凡一門

伎術醫卜門

第十五卷 凡一門

舟車帷幄門

第十六卷 凡一門

什物器用門

第十七卷 凡三門

歲時風俗門 宮室居處門

城市藩衛門

第十八卷 凡三門

農業陶漁門

酒醴飲食門

吉凶典制門

第十九卷

凡三門

博奕嬉戲門

戎具兵械門

戰陣攻守門

第二十卷

凡四門附錄

律令刑罰門

布帛雜器門

草木花果門

燕魚鳥獸門

山海靈恠附錄

類併附錄總計五十

卷終原下目錄終

歷代考註事物紀原書傳諸儒姓氏

黃帝內傳

軒轅本紀

帝王世記皇甫謐作

周禮周公

禮記月令

二儀實錄

春秋內事

春秋采芣管子書常仲

淮南子齊問列子書

伍希明太乙金鏡經

帝王五運曆年紀

王子年拾遺記王嘉

馬總通曆

通曆書

後漢天文志

唐志樂志

唐書會要

唐書會要

宋朝會要

宋書會要

文心雕龍

古今雜注

三禮圖

董巴輿服志

東方朔占書

許氏說文詳慎

杜氏通典

歷代沿革

山海經

隋音樂志

劉向說苑

風俗通

項峻始學篇

郭璞爾雅

漢百官表

春秋左傳

春秋命曆

季氏三秦記

續事始

山堂考索

搜神記于寶作

崔豹古今注

古史考

玉燭寶典

世本

酉陽雜俎段成式

古今藝術圖

博物志張華作

荆楚歲時記

西京雜記

蘇氏演義 蘇鷄傳

皇圖要覽

桓譚新論

稗官小說

炙轂子傳

楊侃職林

歐陽調藝文類聚

太平御覽

列女傳

梁元纂要

太白陰經

國語

劉公嘉話

列僊傳

本草

道甲開山記

三五曆記 徐整作

高氏小史

國史補 李肇作

劉斧青瑣

諸儒姓名 畢

事物紀原卷之一

漢陽府推官建安陳華批點
致仕教諭南平趙弼校正

天地生植門

元氣 列子曰。太易者。氣之未見也。太初者。氣之始也。

太始者。形之始也。太素者。質之始也。形氣質具而

未離。故曰渾淪。高氏小史曰。太易。氣象未分。太初。

氣象始萌。太始。氣象初端。太素。形氣變質。太極。形

質已具。然則元氣之始。自太初也。徐整三五曆紀

曰。歲起提攝氏元氣肇始。有神人號天皇氏。又遁
甲開山記曰。蜀山氏分布元氣也。

天地清輕者上為天。重濁者下為地。中和之氣入循
之。不得名曰易。以變而為七。七變而為九。九復為
一一者。形變之始也。清輕重濁。陽發。故氣冲
為天。濁以陰凝。故沉為地。天地之別。謂之兩儀。列
子曰。視之不見。聽之不聞。周易繫辭曰。易有太極
是生兩儀。高氏小史曰。兩儀分五運通。二體分
離為清濁。三五曆紀曰。天地混沌如鷄子。盤古生

其中。一萬八千歲。天地開闢。陽清為天。陰濁為地。
盤古在其中。一日九變。神於天。聖於地。天日高一
丈。地日厚一丈。盤古日長一丈。如此一萬八千歲。
天極高。地極深。盤古極長。然後乃有三皇。此天地
人之始也。

四方任希明太乙金鏡經曰。昔燧人氏仰觀斗極而
定方名。東西南北是也。然則四方之名。蓋始自燧
人氏定之。

山海經曰。東南海之外。有羲和之國。有女子曰

義和郭璞注云。義和蓋天地始生日月也。

星度。馬總通曆曰。地皇氏定星辰。後漢天文誌註曰。

黃帝分星次方中外官。常明者百二十四。可明者三百二十。微星一萬一千五百二十。黃帝創制之大畧也。禮記云。帝嚳既序星辰。蓋地皇氏始定為星辰。人皇又名之。至帝嚳而序之。

星官

後漢天文誌曰。軒轅始受河圖。閼風也。受規日月星辰之象。故星官之書自黃帝始。至高陽氏乃使南正重司天。

帝王世紀曰。黃帝受命。乃推分星次以定律度。劉昭補註漢志亦曰。黃帝定星次。即今爾雅所記十二次。與二十八舍之度皆自黃帝初之也。

王子年拾遺記曰。危攝氏視五星之文。分略之度。史記曆書曰。黃帝名宿度。驗巨墳。謂題名宿度之候。察進退三辰之度。吉凶之驗也。又曰。漢武招致方術士。唐都分天部。漢書音義云。謂分部二十八宿為矩度。而晉書天文志亦曰。危攝氏立周天曆度也。

春秋內事曰。伏羲氏定天地。分陰陽。

通曆曰。地皇氏分晝夜。

史記曆書曰。黃帝建立五行。起五部。應邵曰。金木水火土是也。孟康又謂天有四時。分為五行。

二事始曰。黃帝六子。子丑十二辰。以名月。又以十二獸名屬之。

皇極典略載云。孫贛表曰。皇羲以來。始有君臣上下之事。由是推之。天皇以降。雖有其分。固已略矣。至大吳始正之也。

夫婦杜佑通典曰。燧皇氏始有夫婦之道。註云。人皇氏是也。

山嶽王子年拾遺記曰。庖犧氏審地勢以定山嶽。

山谷遁甲開山記曰。厲山氏產生山谷。肇分自此始。

正朔曆數門

甲子世本曰。大撓造甲子。呂氏春秋曰。黃帝師大撓。

黃帝內傳曰。帝既斬蚩尤。命大撓造甲子。正時月。

探五行之情。占斗建。始作甲乙以名日。謂之幹。作

子丑以名月。謂之支。幹支相配以成六旬。

歲黃帝定星曆。正閏餘以舉歲事。至堯定四時成歲。書曰。暮三百六旬。又云。以閏月定四時成歲。是則成歲之義自陶唐始也。

正歷代所尚不同。故所為之正各異。邢昺論語疏。有推鄭康成尚書三帛註。謂舜以十一月。堯以十二月。高辛十二月。高陽十一月。女媧十二月。又推易說卦云。出乎震。謂伏羲也。建寅之月。又以木之始。則正當從大昊始也。後避秦始皇諱。音從征。今尚云然。

史記黃帝起消息。正閏餘則閏蓋餘分之月也。帝造曆始正之。

月朔通曆曰。地皇氏分晝夜。以三十日為月朔。高氏小史亦云。

春秋內事曰。伏羲氏建分八節。以文應氣。晉天文志曰。炎帝分八節。以始農功。

董巴議曰。昔伏羲始造八卦。作三畫以象二十四氣。消息禍福以制吉凶。禮記月令註曰。昔周公作時訓。定二十四氣。分七十二候。則氣候之起始。

于太昊而定于周公也。

賀正通典曰。漢高帝十月定秦。遂為歲首。七年。長樂宮成。制群臣朝賀。至武帝改用夏正。建寅之月。是則元日慶賀。始於漢高祖也。

人日東方朔占書曰。歲正月一日占雞。二日占狗。三日占羊。四日占猪。五日占牛。六日占馬。七日占人。八日占穀。其日晴朗溫和。則為蕃息安泰之候。若陰寒慘烈。為病疾衰耗之徵。故杜子美詩曰。元日至人日。未有不陰時。蓋傷時之言也。推此當由漢

世始有其義。

國朝會要曰。太中祥符元年十一月。詔以正月三日

天書降。為天慶節。休假五日。宋真宗時也。

中節李肇國史補曰。唐貞元五年。德宗之初置中和節。李泌

傳曰。德宗以前世上已九日。皆大宴集。而寒食多與上

已同。欲以二月多節。自我為古。李泌請以二月朔為中

和節。王溥唐要會曰。貞元五年正月十一日。勅曰。四序

嘉辰。歷代增置。漢宗上巳。晉紀重陽。朕以春方發生。候

惟仲月。勾萌悉達。自今以二月一日為中和節。中者揆

三陽之中。和者。酌仁義之和。因賜大臣戚里刀尺。謂之
裁度。民間以青囊盛百粒瓜果。相遺。號曰獻生子。里閭
作宜春酒。以祭勾芒神。一曰官集農書。以示務本。

天禧國朝會要曰。天禧元年正月。詔以太中祥符元年四
月一日。天書再降。內廷。功德閣。其建為天祺節。一如天
貺節例。乾興元年二月。禮儀院上言。四月一日。天書降
日。節名下一字。與御名同。合行回避。詔以天祺節為名。
天貺祥符元年六月六日。降兗州。二年五月八日。詔曰。其
六月六日。天書降泰山。宜令設醮。六月又詔。在東京

諸州並賜休假一日。前遣中使詣宰臣王旦第。特令
中外賜假四年正月。以六月六日為天貺節。在京禁屠
羊九月。詔諸路並禁。後四陽彪之請也。
曆忌釋曰。四時代謝。可以相生。立秋以金代火。而金
畏火。故至庚日必伏。庚。石金也。陰陽書言。夏至為三庚
為初伏。第四庚為中伏。立秋後初庚為末伏。故謂之三
伏。史記註有云。六月上。秦始皇之所置也。又云。秦禮
初始為伏。及荆楚記云。八日進湯餅。名為辟惡。蓋周時
無此。至秦乃有之。

通曆曰。地皇氏以十一月為冬至。高氏小史亦云。賀
冬。玉燭寶典曰。冬至陰陽百物之始。日極南。影有履長
之慶。冬至後日漸長。故謂之長至節。復卦主事。蓋陽為
君子。陰為小人。一陽生於此日。乃君子道長。小人道消
之時也。漢雜記云。冬至陽氣生。而君道長。故賀。然則冬
至之賀。是漢制也。

臘。禮記月令。孟冬十月。臘先祖。說文云。冬至後第三戌
日是也。廣雅云。夏曰嘉平。商曰清祀。周曰大饋。秦初曰
臘。已而為嘉平。祭部云。漢改為臘。風俗通曰。臘。秦初曰

臘。以祭先祖。或曰臘者。接也。新故交接。大祭也。
臘。功也。秦世獨斷云。臘者。歲終之大祭。但送而不迎也。
常言伏臘者。皆所以祭祀也。杜南秋懷詩。伏臘涕漣漣。
謂祭先祖而悲泣也。

通曆曰。大昊始有甲曆。楊泉物類論曰。神農氏立曆。日
漢律曆志。黃帝造曆。董道曰。伏羲始作八卦。三畫以象
二十四氣。黃帝因之。呂氏春秋曰。容成作曆。世本亦云。
黃帝內傳曰。既斬蚩尤。乃令容成作曆。以司天也。

易乾鑿度曰。曆原名握。元記曰。甲子七十六歲為一

紀二十紀為一部。首註云。握先乃曆始之名。猶言無前也。沿革曰。黃帝考星曆。建五行。起消息。正閏餘。謂之記調曆。後代因之。漢有太初。唐有麟德等名也。

後漢律曆志曰。隸首作算數。晉律曆志曰。黃帝使隸首作算數。

劉氏曰。庖犧氏始畫八卦。作九九之術。以合六爻

之變。周公制禮。而有九數。九數之流。則九章是矣。一曰

方田。即今方量田之法二曰粟布。粟是谷布是錢。謂以多少錢乘多少谷三曰衰分。此是理會官員俸祿多少之法

四曰少廣。如今倉積米。其中以其器而知其多少五曰商功。商其工程。如打土斡方子打裏一六曰均

輸。輸道里七曰盈朒。盈是盈。朒是虧。盈之顯者。朒之顯者八曰方田。如算錢。或除下

九曰勾股。此是言重山量水之法。今軍中立寨。有以此法者

唐堯即位。義和立渾儀。劉氏曆曰。高陽氏造渾儀。黃帝為蓋天。是則渾儀始于高陽氏。至舜則璇璣玉衡。以齊七政。

黃帝創漏水制器。以分晝夜。成周之世。擘壺氏掌之以百刻分晝夜。

更點起于易繫辭。重門擊柝之說。亦自軒轅始也。梁刻漏經云。漏刻之作。蓋肇于黃帝。宣于夏商之代。周禮有擘

皇氏注掌刻漏者

帝王后妃門

皇項峻始學篇曰。天地初立。乃有天皇。張愔帝系譜曰。天地初起。溟滓鴻濛。即生天皇。治世一萬八千歲。此稱皇之始也。

由天皇至燧人氏。皆稱皇。故有地皇。人皇。而燧人氏亦號皇。帝王氏紀曰。稱帝。堯。舜。禹。繼天而王。史記亦曰。帝太昊。伏羲氏。此稱帝之始。

書呂刑曰。皇帝清問下民。蓋周穆王始以言稱帝。

也。秦始皇二十六年。初并天下。自以德。燕。三。過五。帝。號曰皇帝。自秦漢以來。至今仍之。

正夏。之前。稱帝。自周始。降帝為王。然夏啓之甘誓。稱王曰。嗟。仲虺之誥。湯曰。惟王不遜聲色。則王之始也。

天子說文曰。赫之神聖。母感天而生子。故曰天子。春秋元命包曰。安。登。生。子。人。而。龍。顏。始。為。天。子。之。稱。帝。王。世。紀。曰。神。農。氏。天。之。女。名。曰。嫫。祖。則。天。子。之。稱。自。炎。帝。始。也。

官家劉向說苑。鮑白令對秦始皇曰。天下官。則讓賢。天下

家則世繼。故曰五帝以天下為官。三王以天下為家。將
濟萬機論曰。五帝官天下。故傳之賢。三王家天下。故傳
於子。今指天子為官家。猶言帝王也。其義始于此。又湘
山野錄補文堂真宗問李仲容曰。何故謂天子曰官家。對
曰。將濟言三皇官天下。五帝家天下。兼三五之德。故曰
官家。隋唐之前。亦云大家。皆以稱至尊也。

五運通曆曰。太昊以木德王。始有甲曆。五運。項峻始學焉。
曰。天地初立。有天皇以木王。是則五運之氣。自天皇始
也。然天地開闢之初。溟滓鴻濛。萬物未立。五運相承。宜

未詳也。當自太昊為是。王子年拾遺記曰。伏羲以木德
稱王。居東方之舍。養蚕。化叶于木德。其音附甲。號曰木
皇。此宜木德相乘之始也。前漢郊祀志贊曰。劉向父子
以為帝出乎震。故庖犧氏始受木德。馮鑑贊事始引榭
秀帝王年代圖云。伏羲為百王之首。故易曰。帝出乎震。
即帝王五運。震為木起。自太昊也。矣。穀子曰。五運二說。
鄒衍以相勝。劉向以相生。自伏羲至顓頊。以木火土金
水相承。漢魏以還。共尊劉說。孟詵錦帶前書亦曰。伏羲
始以木德出乎震。故曰太皞。

所尚 歷代帝王為正各異。故所尚不同。邢昺論語疏。自夏正尚黑。推而上之。謂伏羲以上未聞。論女媧尚白。神農尚赤。黃帝少昊尚白。高陽赤。高辛黑。陶唐白。有虞赤。所尚自太昊始也。

國號 後漢班固典引曰。肇命人主。五德初始。厥有謚號。莫不開元於太昊。註謂太昊號庖犧。炎帝號神農。黃帝號軒轅。蓋自燧皇而上。止以自名。未為天下之號也。至太昊始以庖犧氏為號云。

太子 唐虞而上。皆傳之賢。故無太子之名。夏商之主。惟傳其子。其文畧矣。至周始見文王世子。自武王繼之。稱太子發。武王此其始也。漢天子號皇帝。故其嫡稱皇太子。漢高帝紀。五年二月甲子。漢王即皇帝位。尊太子曰皇太子。此其始也。

后 春秋命曆序洛書。摘三辟曰。人皇於人。別長九州。離民地精。女出為之后。註云。離艮卦之所推。此稱后之始。三代以上。亦無其稱。但曰正妃。周人妃曰王后。自太昊制嫁娶之禮。以相配偶。而無以妃名者。為者。帝王世紀。至黃帝始有元妃。次妃之例。

皇后天子之妃曰皇后。周人稱王妃曰后。秦稱皇帝亦稱
皇后。后者繼體之君也。周人稱王妃亦以繼天子之後
故也。尚書顧命曰：皇后憑玉几。蓋史氏以言成王之
道繼人之後也。漢高帝紀七年：漢王即皇帝位。其
曰皇后。

史記秦本紀曰：昭王母芈氏號宣太后。故范曄說秦
王有獨聞太后之語。其後趙孝成王新立，亦有太后用
事之說。是則太后之號自秦昭王始也。漢襲秦故，號皇
帝亦尊帝母曰皇太后。

太皇漢因秦事，帝母曰皇太后，故尊祖母曰太皇太后。
禮雖始於漢，寔自孝武始也。按史記：景帝二年四月壬
午，孝文太后崩。高祖之薄后，文帝之母，景帝之祖母也。
爾時未號太皇。及武帝即位，迎魯申公議明堂事，司馬
遷于儒林傳，乃始稱太皇。蓋竇太后好老子言，是太皇
之號自漢武始矣。竇氏文帝之后，武帝之祖母也。

魏以來，諸王之母為太妃。此蓋其始也。司馬氏之晉
帝母，其嫡為皇太后，所生母為皇太妃。晉元帝所生母
稱夏侯太妃。宋真宗皇帝即位，冊楊貴妃為太妃，亦所

生之母也。

四妃天官后妃四。其一為正嫡。其三為後宮。故帝嘗取象於此立四妃。而正嫡在其中。然黃帝初為元妃嫫祖。次妃嫫姆。洎形魚氏。方雷氏。則是四妃之制。自黃帝始矣。三代有三夫人。而無妃號。漢有貴人。魏始置妃。比夫人號。唐初皇后之下。有貴妃。淑妃。德妃。賢妃。是為四妃也。

貴妃宋孝武孝建三年。初置貴妃。又齊永明元年。有司奏貴妃。淑妃。並加紫綬金章。佩于真玉。

淑妃魏時。帝置淑妃。齊永明中。有司奏淑妃。藉擬九棘。以淑為溫。溫之稱妃。為亞后之名。進同貴妃。加比三司。隋煬帝置德妃。后妃傳曰。煬帝參詳典故。自製美名。有德妃為三夫人。

賢妃唐百官志。內宮有賢妃。正一品。註云。因隋制也。隋志及北史亦無此名。蓋唐有國之初置也。

公主春秋公羊傳曰。天子嫁女於諸侯。至尊不自主婚。必使同姓者主之。故謂之公主。續事始曰。自古至周。天子之女。未有封邑。至周中葉。使同姓諸侯主之。始謂之公主也。

長公主 蔡邕曰漢帝女為公主姊妹為長公主職林曰漢制皇女皆封縣公主儀服同列侯其尊榮者加號長公主儀服同郡王前漢妻敬說高祖以長公主妻單于武帝亦稱衛長公主此為長公主之始矣昭帝後元二年二月戊辰即位鄂邑公主益邑為長公主即帝姊為長公主也建武十五年光武封武陽公主為長公主即尊榮之制云。

太主 漢武帝始封太長公主號史記武帝本紀曰帝以衛長公主妻蠻貊大自王侯將相以下皆遺獻之徐廣之母

武帝始封太主之號自行於漢始明矣武帝始封太主

後漢帝女皆封縣公主其諸王之女為公主其父得以自主婚也隋唐以來雖諸王女亦封郡縣但曰某郡某縣主也

國漢以來公主所封皆無封國者唐書公主傳亦自高祖謂同安公主而亦無其事雖平陽公主有起兵參佐命之功不過死而鼓吹而已聖宗女華嬈乃劉后所生始封代國公主後遂以為常制

事物紀原卷之一

事物紀原卷之二

漢陽府推官建安陳華此點致仕教諭南平趙碩校正

（嬪御命婦門）

淑儀南史后妃傳叙曰。晉武帝初置淑儀為九嬪視九卿。唐百官志云。明皇開元中置六儀其一曰淑儀。用晉事也。宋真宗大中祥符六年正月二十一日增置淑儀官。淑容南史魏明帝大始二年。置淑容。或置或否。宋初亦省不置。大中祥符中與淑儀增置也。

順儀北史后妃傳。隋煬帝參詳典故。置順儀為九嬪。唐除之。明皇開元中。置六儀。四曰順儀。宋初亦不設。真宗朝與淑儀同置。

順儀

隋煬帝置。宋朝真宗亦增置。與淑儀同。

婉儀

北史后妃傳曰。北齊文宣河清中。置婉儀為八十一

御女。唐初不置。至明皇置淑儀。以婉儀為四也。宋真宗亦增置

婉容

宋真宗大中祥符六年正月二十一日。增置淑容。以

下至婉容凡六。並從一品。在昭儀之上。

昭儀

漢元帝置昭儀。元魏置左右昭儀。職視大司馬。北齊

文宣時。北丞相。唐為九嬪。

昭容

漢武帝所置。南朝亦有之。唐為九嬪。

昭媛

唐百官志曰。唐因隋有之。考隋志。北史皆不載。乃唐世

脩儀

魏明帝所置。隋煬帝以為九嬪。

脩容

魏文帝始置。隋煬帝亦置之。

脩媛

唐百官志曰。唐因隋志有脩媛。北史后妃傳。北齊文

宣河清中。置脩媛為御女。唐以為嬪。蓋采齊制也。

充儀

隋有充儀為九嬪。唐會要內篇職曰。自武德時已有

此職。

充容漢有充容。是為漢官也。北史曰。隋煬帝參詳典故。著之于今。

充媛唐志云。唐因隋志有充媛。考隋書及北史皆不載。必唐志也。

婕妤前漢有班婕妤。皆見於傳。南史后妃傳叙曰。婕妤漢之舊號也。隋煬帝以為世婦。而為正二品。通典曰。漢武帝置婕妤。視上卿。比列侯。

貴人漢光武始置貴人為三夫人。宋真宗亦置。

美人光武又置美人。歷代多有。宋朝初置職正四品。

才人南史曰。晉武帝采漢魏之制。夫人外有才人。通典命

漢有才人。則是漢所置也。

唐虞夏商公侯之妻。尚無夫人之號。由周克商。

齊惟五。于其封國皆稱君。其妻皆為夫人。其事雜見於

詩禮。雖皆命於天子。亦無冊之禮。漢崔家母師氏能

通經學。百家之書。王莽寵以殊禮。賜號義成夫人。是則

夫人之封自莽始也。自魯昭公晏于吳。為同姓。夫人始

不命于天子。至王莽乃加封號云。

大夫人前漢文帝紀。七年七月。令列侯太夫人。無得擅稱

徽號。如郭元。列侯之子。復為列侯母。即稱為太夫人。蓋

漢制也。晉虞譚母亦拜武昌侯太夫人。晉始加冊命。

國夫人 隋高涼洗氏以功封譙國大夫人。此夫人封國之

始也。

郡夫人 通典曰。隋高涼女子洗氏世為南越首領。有功冊

為高涼郡夫人。既而又冊譙國大夫人。此夫人封郡之

始也。

戰國時。列國臣子有功者皆封君。秦孝公封公孫鞅

君是也。有婦人而封君者。漢始有之。蓋取春秋小

君之義。

武帝尊王太后母臧兒為平原郡君。此封郡君之

始也。

宣帝又封太后微時全王孫家所生姊號脩武縣君。

此縣君之始。

漢制四品妻為郡君。五品為縣君。其母邑號皆加大

君。此封縣太君之始也。

朝廷注措門

禮項峻始學篇曰。天地立有大號曰天靈。即帝王受

之始也。堯曰放勳。舜曰重華。禹曰文命。秦有天下李

三紀請上尊號曰秦皇。至唐高宗上元二年九月。始稱天皇。中宗神龍元年十月。上尊號曰應天皇帝。宗開元以後。宰相始率百官上尊號。以為常制。宋初。梁寧中。以上虛名無實行。遂罷之。

稱朕。我也。古通稱之。秦始皇二十六年。始獨天子稱朕。史記李斯議。天子自稱曰朕。

呼上。司馬遷作史記。凡指君尊。皆依違不正言。但稱曰上。太史公自叙書漢武本紀曰。今上之類是也。今臣下呼天子曰上。由司馬子長始也。

御袍。二儀實錄曰。唐武德初制。天地常服黃袍。及後漸用赤黃。遂禁止士庶不得服。其事蓋自神堯始也。後又曰。赭黃。今倍以天子常服淺黃為赭黃也。赭黃與日色相似。故謂之赤黃。見王建宮詞。

服御。唐會要曰。天寶七年正月二十八日。常韜奏御案床褥。去紫用赤黃。制可。然天子服御以黃。自常韜之請也。

陛下。周以前。天子無陛下之呼。史記李斯議事。始稱陛下。蓋以天子坐堂。必有近臣在階側。以備不虞。臣與君上言。不敢指斥。但呼陛下者。因卑達尊之義。實自秦始也。

聖節明皇雜錄曰。唐玄宗八月五日降誕。是日宴宰相于花萼樓。源乾曜請以是日為千秋節。休暇三日。長慶七年十月十日。穆宗誕日。合天下州府置宴。文宗開成二年誕日。始禁屠宰。此聖節置宴之始也。

改元史記秦本紀惠文王十四年。更為元年。又六國表云。初更元年也。檢自歷代人君即位為元年。中間無改元之制。至秦惠王乃始有之。漢因秦故。文帝因之。亦有元後元之改。迄今以為常。是則改元之始。自秦惠文王始也。

年號漢武帝建元元年始。顏師古注前漢書曰。自古帝

王未有年號。始起于此。而紀年通譜云。道書有開皇

漢上皇永壽等年號。莫知是何代也。按此二字始於武帝建元元年。以三季紀元者始於梁武帝中大通元年。今詳立說以紀元。當據文帝原非武帝也。

萬歲七國之時。眾有喜慶於君者。皆呼萬歲。秦漢以來。臣

子對見于君。拜恩慶賀。率以為常。

本紀云。元封元年正月。武帝登崧高。御史乘屬在廟傍

吏卒咸聞呼萬歲者三。迄今三呼以為式。而號山呼也。

上壽。禮有獻酬。無上壽。惟詩大雅云。虎拜稽首。天子萬壽。豳風云。為此春酒。以介眉壽。此灼然明文。非彷彿其事也。古者詩工皆歌之。故得而言也。漢興。叔孫通定禮儀。明年長樂宮成。諸侯朝賀禮畢。置酒殿上。尊卑次起上壽。其事本起於此。按淳于髡傳。對齊威王。有侍酒于前。奉觴上壽之語。及楚莊王置優孟前為壽。皆戰國時事。蓋非自漢始也。

唐通典曰。唐貞觀十三年。房喬奏請三日一臨朝。二十三年九月十八日。太尉無忌奏請視朝坐日。高宗報曰。

朕即大位。自今已後。每日常坐。永徽元年十月五日。初命京官五品以上。依舊五日一參。二年八月十九日。詔此後每五日一度。外太極殿視事。朔望即為式。蓋今五日起居之始也。漢書循吏傳曰。漢宣帝五日一聽事。則彷彿起居之事。其禮雖見于漢。要自唐始行之也。

記注。漢武有禁中起居。禁後記注。東漢明德馬皇后自撰顯宗起居注。蓋周禮左右史之事也。謂之起居注。則自後漢始。唐藝文志亦有獻帝起居注。自此歷代皆有之。時政紀。唐會要曰。永徽已後。左右史惟侍對仗後。謀議皆

不聞姚璿音請請仗下所言軍國政要宰相二人撰錄。時政紀憲宗問李吉甫何謂時政紀對曰是宰相記天子事以授史官之實錄也。是則其事起自唐高宗時。姚璿之請也。

索扇唐書明皇時蕭嵩為相以為天子升降俯仰衆人皆得見之非肅穆之容也。奏請凡朔望受朝備羽扇之儀。上駕將出所司承旨索扇合于上座上坐定然後乃去扇。禮畢上將退又索扇如初。此制之始。掌扇即是也。

閣宋時國朝會要。自唐敬宗始御紫宸殿群臣入閣之儀。後唐明宗天成初又以月望入閣。按山堂考索

宋朝以舊制皆以月朔閣門先期舉奏詔可即施行。仁宗康定一年八月宋庠奏唐世每遇坐朝之日即為入閣。叔世離亂五朝草創大斲之制。更後簡易。正衙之役因而遂廢。其後或有行者常人之所罕見。乃復謂之盛禮。甚不然也。况唐開元舊禮。至開寶中諸儒增附新禮。始載月朔入閣之儀。又丁度奏入閣。今詳元起請入閣。是唐朝隻日於紫宸殿受常朝之儀。云云

延英唐書韓皋曰延英之置肅宗以苗晉卿年老難步故設之耳後代因以為故事宋朝會要曰康定一年八月宋庠奏唐自中葉以還雙日及非時大臣奏事別開延英賜對宋時暇日御崇寧延和是也

會要曰唐室昇平日常奏對官每日朝退賜食謂之廊食宋時起居幕中亦賜酒饌蓋自唐太宗始也

史記吳王濞傳曰七國反吳王既敗走景帝詔大將平曰楚三印等宜逆無道燒毀宗廟朕素服避正殿則

其事始自漢景帝也

損膳事始云後漢鍾離意諫明帝起北宮疏曰陛下躬自

克責降避正殿損常膳錄記以為二事之始今檢意傳

疏止言避正殿而無損膳之語又前漢文帝紀已書徹

服損膳及賈山上疏文帝言治亂自陛下即位親自勉

以厚天下損食膳不聽樂則事始所記謬矣按周官膳

夫掌王之食羞五日一舉鼎十有二齋日有饋不舉大

喪則不舉大荒大札天地有裁邦有大故皆不舉是則

三不舉者損常膳也蓋有周禮典云迄今以為式

唐會要曰。開元十八年。十二月。張說薨。輟朝罷元會。又太和三年。七月。崔龜奏云。貞觀中。任瓌卒。有司對仗。奏聞。太宗責其乖禮。岑文本歿。其夕。罷警嚴。張公謹止。哭不避辰日。臣謂大臣薨。禮合輟朝。推此。則太宗以來。尚未行輟朝禮。會要首錄開元事。當自明皇始也。

殿門 沈括筆談曰。周禮天官掌舍。無宮。凡共人門。今謂之殿門。乃武官極長人之選。上御前殿。執鈇鉞于紫宸門下。行幸則為禁園于仗門之前。今俗謂之鎮殿將軍也。

衡門 又曰。宮殿行幸有衡門十人。選武力絕倫者為之。上

御殿。則執搨東西對立。以肅殿廷。亦古虎賁之類也。

匱函 唐會要曰。武后垂拱二年。置此以達下情。蓋取白獸尊之義也。今登聞鼓所投。此其始也。梁天監元年。於車府立謗木。肺石置函。設有橫議。則投謗木于函。是則唐之置匱用此也。

登聞鼓 昔堯置敢諫之鼓。即其始也。用下達上而施於朝。故曰登聞。

（治理政體門）

尚書禹貢。禹別九州。始任土作貢。孔安國詩。謂貢賦。

之差。堯時事。則進貢之始。在禹平水土之後也。

賞賜書曰。車服以庸。自唐虞即然。商書功懋懋賞。周有車馬器服之等。皆賞賜之始也。

時服宋太祖建隆三年十月。賜近臣冬服。弼按杜子美端午日賜衣詩云。宮衣亦有名。端午被恩榮。蓋時服之賜。唐時已有矣。

吏祿筆談曰。天下吏人。素無常祿。惟以受賂為生。熙寧二年。始制天下吏祿。而設重法以禁請託。

借緋通典曰。開元八年二月。勅都督刺史品卑者。借緋及魚袋。是則借緋之制。自明皇始。

借紫唐武后天授二年八月。右羽林大將軍建昌王攸寧。借紫衫金帶。九月二十六日。除納言。仍舊着紫金帶。是則借紫之制。始于武后攸寧也。

執笏禮受命於君前。以笏。此三代之制也。古者貴賤通用。以書君上政令。及思對命。後代惟八座尚書執之。其餘公卿執手板。至後周武帝保定四年。始令百官皆執笏。周禮司氏掌登萬民之數。自生齒以上。皆書于版。大宰聽閭里以版圖。今州縣有丁口版簿。蓋始于此。

鬻官 汭革曰。鬻爵賣官。三代無有。自漢文帝納晁錯言。令人入粟於邊拜爵。各以多少為差。此即賣官之始也。

休沐 史記李園事春申君。謂歸故室。則假告已見于戰國時。漢律吏得五日一休沐。言休息以洗沐也。唐永徽三年二月十日。以天下無虞。百司務簡。每至旬假。許不視事。以寬百僚休沐。然則休沐始于漢。其以旬假休。則始于唐高宗也。

戶帳 唐武德六年三月。令天下民戶。每歲一造。帳籍。開元十八年十一月。勅請戶籍三年一造。此戶口有帳始。

(利源調度門)

井田 通典曰。黃帝始經土設井田。以塞爭端。立步制畝。以防不足。使八家為井。間為四道。此井田之原也。其法肇于黃帝。成于大禹。備于周。壞于秦也。

水利 汭革曰。井田廢。溝澮堙。水利所以作也。通典曰。魏文侯使李悝作水利。此水利之始也。

常平 漢宣帝時。年穀豐稔。耿壽昌奏。諸邊郡以穀賤時。增價糶入。穀貴則減價糶出。名曰常平。此其始也。宋淳化五年六月。京畿大稔。物價至賤。遣使于京國四門置場。

增價糴。今近倉貯之名曰常平。歲歉乃糴以糶。用賑貧民。

義倉通典曰。隋文帝開皇五年。長孫平奏。令諸州百姓勸課當社。共立義倉。唐太宗貞觀中。戴胄言。隨天下之人。節級輸粟。名為社倉。又韓仲良奏。王公以下。應墾田者。每畝納二升。貯之州縣倉。以備凶年。賑給百姓。蓋義倉之置。自隋文帝始。

倉名倉所以貯國儲也。商有鉅橋。漢有成臯。教倉。隋有黎陽。自古亦無名額。隋文帝開皇三年。華州置廣運倉。倉

之有名。此其始也。

兩稅唐食貨志曰。自開元以後。租庸調法弊。代宗時始以

兩定稅。至德宗相楊炎。遂作兩稅法。夏稅無過八月。秋

稅無過十一月。是兩稅之始。肇于天寶兵興之後也。按

春秋傳。宣公十五年。秋。初。秋。師。公羊傳曰。稅。師者。何。復

師而稅也。今之稅以畝計。此其初也。其事雖出于周代。

宗。亦緣春秋有稅。師之事耳。其夏秋兩稅。則自德宗始。

商稅孟子曰。文王之治岐也。關市譏而不征。則是夏商二

代無稅矣。又曰。有賤丈夫焉。必求壟斷而登之。以左右

望而固市利。人皆以為賤。故從而征之。征商自此賤。夫始矣。此商賈之初有稅也。周官司關曰。國有凶札。則無關門之征。趙岐曰。王制云。古者關譏而不征。謂文王以前。周禮關門有征。謂周公以來有之也。

雜稅自夏后為貢。至商為助。周人為徹。其取於民也有制。故國有定賦。而無橫歛。周衰之末。諸侯之強。倍相尚。兵革不息。故費博而什一不足。此雜稅之法。所以興也。是後漢武帝算舟車。唐德宗時。天下竹木茶漆皆有稅。**雜稅**唐書食貨志云。貞觀中始稅革。以給諸關。

稅沿革曰。晉宋齊梁時。凡貨牛馬田宅有文券者。率輸四百入官。賣主三。買主一。蓋始於漢武。笑緡也。

推酒沿革曰。漢武帝天漢三年始推酒。酤。

推茶起于唐德宗時。趙贊張滂建議。稅其什一。唐會要曰。貞元九年正月。初稅茶。先是張滂奏。請于有茶州縣。及茶山要路。定三等稅。每十稅一。茶之有稅。自此始。一云。穆宗時。王涯始推茶。

推鹽其始原于唐第五琦。是後劉晏代其任。大曆末。征賦所入之益。當天下太平之賦。

曹遵沿華曰秦伐白奴令天下飛芻輓粟此漕運之始

漢明帝詔改將吏屯田於張掖謂為屯田之始

按西域傳自武帝初通西域置校尉屯田於渠犂又征和

二年秦弘羊奏言可遣屯田卒益種五穀於張掖酒泉然

則屯田之制起于漢武開西域之時也

職田孟子曰井以下必有圭田禮記王制曰圭田無征周官亦有夫天之

采此職田之起也晉有芻藁之田後魏給公田北齊自品以下又有公

田唐時制外官各給職田然則職田之名唐始有之宋真宗時始設職田

事物紀原卷之二

